

ODRŽAN SASTANAK SA PREDSTAVNICIMA SAMOSTALNOG SINDIKATA

04.03.2026 11:10



Dana 4. marta 2026. godine u prostorijama Federalne uprave za geodetske i imovinsko-pravne poslove održan je sastanak direktora Uprave, gosp. Željka Obradovića sa saradnicima, i predsjednika Samostalnog sindikata, gosp. Samira Kurtovića sa saradnicima.

Na sastanku je razgovarano o aktivnostima i projektima koje Federalna uprava za geodetske i imovinsko-pravne poslove provodi s ciljem unapređenja i modernizacije sektora zemljišne administracije, posebno u oblastima premjera, uspostave i obnove katastra nekretnina, kartografiranja teritorije Federacije Bosne i Hercegovine, kao i inspekcijskog nadzora nad poslovima katastra i premjera.

Istaknuto je da je geodetska struka u Federaciji Bosne i Hercegovine organizovana na decentraliziran način. U tom kontekstu predsjednik Sindikata naglasio je potrebu jačanja organizovanosti struke kroz uspostavljanje jedinstvenih sindikalnih organizacija, sa krovnom organizacijom u Federalnoj upravi.

Obje strane izrazile su spremnost za unapređenje dijaloga te podržale ideju formiranja sindikalne organizacije u Federalnoj upravi. Također je dogovoreno da će sredinom marta 2026. godine u prostorijama Uprave biti održana prezentacija na kojoj će zaposlenima biti predstavljena prava i pogodnosti koje proizlaze iz članstva u Sindikatu.